



Jens Napaattoq
Inatsisartunut ilaasortaq, Naleraq

**Akileraarutinit isertitat pillugit § 37 naapertorlugu apeqqummut (2024/228)
akissut**

Brevdato: 07-11-2024
Sagsnr. 2024 - 20867

Matumuuna apeqqummut qulaani taaneqartumut akissut nassiunneqarpoq.

P. O. Box 1037
3900 Nuuk

**Apeqqu 1: Namminersorlutik Oqartussat utoqqalinersiallit
akileraarutigisartagaanniit ukiumut qanoq annertutigisumik isertitaqartarpat?
Ukiuni kingullerni isertissimasat annertussusaat akineqarnissaa
piumasarineqarpoq.**

Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Aallaavittut utoqqalinersiutinut akiliutigineqartunit Namminersorlutik Oqartussat ukiumut qanoq annertutigisumik akileraarutigut isertitaqartarneris eqqortumik naatsorsorneqarsinnaangilaq. Tamanna utoqqalinersiatut akiliutigineqartut isertitat allat assigalugit ataasiakkaat isertitaannut ilaanerannik patsiseqarpoq. Isertitat akileraaruserneqartussaataasut kingornalu akileraarutinut akiliutissat utoqqalinersialinnut naatsorsorneqaraangata, taava ilanngaait il.il. ataatsimut isertitanut isertanut sanillersuunneqassapput – taamaalillunilu isertitanut utoqqalinersiutisialinnut tunngasunuinnaangitsoq.

Akerlianik isertitat soraarnerussutisiaqarnermut attuumasut, akileraartarnermik oqartussanut nalunaarutigineqartut qanoq annertutiginerat naatsorsorneqarsinnaavoq. 2023-mi siusinaartumik soraarnerussutisiat ilanngullugit 1.038 mio. kr.-t nalunaarutigineqarput. Tamatumani siusinaartumik soraarnerussutisiat 289 mio. kr.-upput, kiisalu utoqqalinerimi allallu soraarnerussutisiat 749 mio. kr.-ullutik. Soraarnerussutisiatut isertitat ilaat isertitatut nalinginnaasutut nalunaarsorneqarsinnaanerata, taamaalillunilu taakku naatsorsuutinut ilaatinneqannginneri pisinnaammata, maluginiaqquneqarpoq.

Ilanngaat nalinginnaasooq, inummut ilanngaat ilanngaatillu allat isiginiangikkaanni, agguaqatigiissillugulu akileraarutinut akiliut 43 procentimut inissikkaanni, soraarnerussutisiantut attuumasunik akileraarutinit isertitat 2023-mi 446 mio. kr.-nut annertussuseqassapput.

Kisitsisip taassuma naatsorsorlugu annertussusiligaanera, siulianilu ilanngaatinut isertitanullu ajornartorsiutit taaneqartut eqqarsaatigalugit tamanna piviusorsioituosorinangilaq.

**Apeqqu 2: Utoqqalinersianiit akileraarutit ukiukkartumik annertusiartornissaat
Naalakkersuisunit naatsoorsuutigineqarpa? Taamaappat, ukiumut isertitassap
naatsorsuutigineqarnerata katillugit annertussusaa, annertusiartorneratalu
annertussusaata immikkut akineqarnissaat piumasarineqarpoq.**

Aap, innuttaasut utoqqalinersiaqarfiusunik ukiullit amerliartornerata ilutigisaanik soraarnerussutisianut akiliutigineqartut qaffakkiartornissaat, malitsigisaanillu tassunga attuumasunik akileraarutitigut isertitat qaffakkiartornissaat naatsorsuutigilluinnarneqarpoq.

Kalaallit Nunaanni Naatsorsueqqissaartarfiup innuttaasut amerlassusaannik eqqoriaanerani kingullermi, 2036-mi inuit 67-inik taakkuluunniit sinnerlugit ukiullit 7.292-iunissaat missingiunneqarpoq. Qaffariaat 2024-p aallartinnerani innuttaasut eqimattani taakkunaniittut amerlassusaannut sanilliullugu 62 procentimik naleqarpoq.

Soraarnerussutisianut attuumasunik isertitat inuit 67-inik taakkuluunniit qaangerlugit ukiulittulli qaffakkiartussasoq, siusinaartumillu soraarnerussutisiallit taamaaginnarnissaat tunngavissaatikkaanni, soraarnerussutisianut tunngasunit akileraarutinit isertitassatut ilimagineqartut aamma qaffariassapput. Nalunaarsuiffik 1-imi periarfissatut ilusiligaq tassunga naatsorsukkamik assersuut takuneqarsinnaavoq, tassanilu ilanngaatit isiginarneqarnatillu agguaqatigiissillugu akileraarutinit akiliut 43 procentiussasoq tunngavissaatinneqarpoq.

Nalunaarsuiffik 1

Isertitanit soraarnerussutisianut attuumasunit akileraarutitigut isertitassatut ilimagisanut assersuutitut naatsorsukkat.
(Mio. 2023-kr.)

	Innuttaasut 67+ (1. jan.)	Siusinaartu- mik soraar- nerussutisiallit	Utoqqaliner- mi soraarnerus- sutisiallit soraarnerus- sutisial- lillu allat	Soraarnerus- sutisial- linnit isertitat katillugit	Akileraarutinit isertitassatut naatsorsukkat
2023	4.330	289	749	1.038	446
2024	4.494	289	779	1.068	459
2025	4.682	289	814	1.103	474
2026	4.909	289	854	1.143	492
2027	5.156	289	899	1.188	511
2028	5.436	289	947	1.236	532
2029	5.725	289	990	1.279	550
2030	5.940	289	1.029	1.318	567
2031	6.188	289	1.076	1.365	587
2032	6.486	289	1.122	1.411	607
2033	6.736	289	1.164	1.453	625
2034	6.981	289	1.200	1.489	640
2035	7.162	289	1.227	1.516	652
2036	7.292	289	1.236	1.526	656
2037	7.277	289	1.229	1.518	653
2038	7.200	289	1.213	1.502	646
2039	7.088	289	1.192	1.481	637
2040	6.960	289	1.169	1.458	627

Najoqqutaq: Kalaallit Nunaanni Naatsorsueqqissaartarfik namminerlu naatsorsukkat

Nalunaarsuut: Siuliani naatsorsorneqartuni inummut ilanngaat, ilanngaat nalinginnaasoq ilanngaatillu allat soraarnerussutisiallit akileraarutinut akiliutaanni ilaatinneqanngillat. Taamattaq akileraarutit isertitassatut ilimagisat naatsorsorneqarneranni agguaqatigiissillugu akileraarutinut akiliut 43 procenti tunngavissaatinneqarpoq. Soraarnerussutisialinnut akiliutit *ukiup ingerlanerani* akilerneqartarnerat sillimmartaarfiginiarlugu, innuttaaqatigiiaat ineriartornerannik naatsorsuinerimi ukiup pineqartup aallartinnerani naanerani innuttaasut 67-inik taakkuluunniit qaangerlugit ukiullit agguaqatigiissillugu amerlassusaat naatsorsuinerimi atorneqarpoq.

Matumani tunngavissaatinneqartut atorlugit naatsorsukkanik eqqarsaataannarsorluni assersuusiortoqarnera erseqqissaatigeqqinneqassaaq. Assersuusiaq piviusorsiortuusorinangilaq annertuumillu nalorninartortaqarluni, taamaattoq ukiuni aggersuni soraarnerussutisialinnit akileraarutinut isertitat, soraarnerussutisialnit isertitat qaffakkiartornerisa malitsigisaannik, misinnartumik qaffariarnissaat ilimagineqartariaqarpoq.

Inussiarnersumik inuulluaqqusillunga



Erik Jensen